



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička, br. 80; tel: 00387 33 586 413, 586-402, fax: 586-418

Broj: 10-07-6/26
Vogošća, 15.01.2026. godine

**OPĆINSKO VIJEĆE
V O G O Š Ć A**

PREDLAGAČ: Općinski načelnik

OBRADIVAČ: Pravobranilaštvo Općine Vogošća - Općinski pravobranilac

PREDMET: Odluka o pokretanju postupka prema dužnicima Općine Vogošća za izmirenje glavnog duga i troškova sudskog postupka uz otpis zakonskih zateznih kamata.

Dostavljamo Vam Odluku o pokretanju postupka prema dužnicima Općine Vogošća za izmirenje glavnog duga i troškova sudskog postupka uz otpis zakonskih zateznih kamata, na usvajanje.

PREDLAGAČ:

Po ovlaštenju Općinskog načelnika
Pomoćnik Općinskog načelnika

Fetah Kadrić

Na osnovu člana 13. stav 2. alineja 5., Zakona o principima lokalne samouprave u Federaciji Bosne i Hercegovine („Službene novine Federacije BiH“ br. 49/06 i 51/09), člana 70. stav 1. tačka 2, člana 113. stav 3., Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15, 09/20 i 24/25), Općinsko Vijeće Općine Vogošća, na sjednici, održanoj dana, januara 2026. godine, donijelo je

**ODLUKU
O POKRETANJU POSTUPKA PREMA DUŽNICIMA OPĆINE VOGOŠĆA ZA
IZMIRENJE GLAVNOG DUGA I TROŠKOVA SUDSKOG POSTUPKA UZ OTPIS
ZAKONSKIH ZATEZNIH KAMATA**

Član 1.

Ovom Odlukom se uređuje postupak u kojem će Općina Vogošća uputiti javni poziv dužnicima da izmire u cjelosti glavni dug prema Općini Vogošća i troškove sudskog postupka, uz otpis zakonskih zatezних kamata, rok za izmirenje duga, način otpisa zakonskih zatezних kamata i organ nadležan za otpis, te pravne radnje koje će poduzimati Pravobranilaštvo Općine Vogošća, nakon što dužnici izvrše uplatu glavnog duga u cjelosti i troškove sudskog postupka u cjelosti.

Član 2.

Ova Odluka se odnosi na potraživanja Općine Vogošća po osnovu sljedećih naknada:

- zakupa poslovnih prostorija,
- zakupa javne površine,
- naknade za pogodnost – renta
- naknade za uređenje gradskog građevinskog zemljišta i
- troškova rušenja objekata.

Član 3.

Ovlašćuje se Općinski načelnik Općine Vogošća da raspiše Javni poziv kojim se pozivaju pravna i fizička lica koja su dužnici Općine Vogošća po nekom od osnova iz člana 2. ove Odluke, da izmire glavnici duga u cjelosti i troškove sudskog postupka u cjelosti, uz otpis zakonskih zatezних kamata.

Član 4.

Javni poziv za izmirenje glavnog duga i troškova sudskog postupka Općinski načelnik će objaviti na Web stranici i oglasnoj tabli Općine Vogošća, sa rokom trajanja do 31. maja 2026. godine.

Član 5.

Za sve dužnike koji u ostavljenom roku, a najkasnije do 31. maja 2026. godine, uplate glavni dug u cjelosti i troškove sudskog postupka u cjelosti Općinsko vijeće Općine Vogošća će na prijedlog Općinskog načelnika donijeti pojedinačne odluke o otpisu zakonskih zateznih kamata.

Dužnici koji izmire svoju obavezu na prednje opisani način, dužni su podnijeti pismeni zahtjev za otpis zakonskih zateznih kamata sa dokazima o izvršenoj uplati glavnog duga u cjelosti i troškova sudskog postupka u cjelosti.

Pisani zahtjev i dokazi dostavljaju se Pravobranilaštvu Općine Vogošća.

Član 6.

Ova Odluka se odnosi i na dužnike Općine Vogošća koji su glavni dug i troškove sudskog postupka u cjelosti izmirili do dana donošenja ove Odluke, a koji se mogu obratiti pismenim zahtjevom za otpis zakonskih zateznih kamata.

Ukoliko je neko od dužnika, pored glavnog duga i sudskih troškova, izmirio dio dosuđenih zakonskih zateznih kamata, može se kroz ovaj javni poziv osloboditi plaćanja preostalog dijela kamata.

Dužnici iz ovog člana Odluke, uz zahtjev obavezni su dostaviti i dokaze o izmirenju glavnog duga, troškova sudskog postupka, kao i izmirenog dijela zakonskih zateznih kamata.

Član 7.

Općinski načelnik će u saradnji sa Pravobranilaštvom Općine Vogošća, za sve dužnike koji u cjelosti u roku i na način utvrđen u člana 5. ove Odluke izmire dug prema Općini Vogošća, kao i za dužnike iz člana 6. ove Odluke, predložiti Općinskom vijeću Vogošća na usvajanje odluku o otpisu zakonskih zateznih kamata.

Član 8.

Pravobranilaštvo Općine Vogošća će nakon stupanja na snagu odluke kojom se nekom od dužnika otpisuju zakonske zatezne kamate, bez odgađanja, pred nadležnim sudom preduzeti potrebne pravne radnje i uložiti pravna sredstva radi obustavljanja parničnog, odnosno izvršnog postupka, brisanje uknjiženih zabilježbi izvršenja u zemljišnim knjigama, predbilježbi postojanja spora, i sl., također, zatražiti da sud

obavijesti poslovne banke o prestanku razloga za prenos novčanih sredstava sa računa dužnika, na račun Općine kao tražioca izvršenja.

Član 9.

Ova Odluka ni na koji način ne zadire u izvršne isprave, niti utiče na tok bilo kojeg izvršnog postupka, odnosno parničnog postupka koji Pravobranilaštvo Općine Vogošća vodi pred nadležnim sudovima radi namirenja potraživanja Općine Vogošća.

Član 10.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj:01-04-
Vogošća, .01.2026. godine

**PREDSJEDAVAJUĆI
OPĆINSKOG VIJEĆA VOGOŠĆA**

Nihad Hadžić

Obrazloženje

Nadležnost i pravni osnov Općinskog vijeća za donošenje Odluke na osnovu kojeg bi se raspisao Javni poziv, kojim bi se pozvala sva pravna i fizička lica, koja imaju dugovanja prema Općini Vogošći, da ista izmire, te da će Općina istim otpisati obaveze plaćanja zakonskih zateznih kamata sadržana je u odredbama ,

Člana 13. stav 2. alineja 5. Zakona o principima lokalne samouprave u Federaciji Bosne i Hercegovine ("Službene novine FBiH", br. 49/06 i 51/09) :

"Organ odlučivanja jedinice lokalne samouprave je općinsko vijeće u općini, a gradsko vijeće u gradu (u daljnjem tekstu: vijeće).

Vijeće u okviru svoje nadležnosti: (alineja 5.) donosi odluke o upravljanju i raspolaganju imovinom jedinice lokalne samouprave."

Člana 70. stav 1. tačka 2. Statuta Općine Vogošća («Službene novine Kantona Sarajevo», broj: 27/14 – Prečišćeni tekst, 14/15, 09/20 i 24/25):

" Općinsko vijeće nadležno je da:

2. donosi odluke, druge propise i opće akte i daje njihovo tumačenje."

Člana 113. stav 3. Statuta Općine Vogošća («Službene novine Kantona Sarajevo», broj: 3/09),

"O sticanju, otuđivanju ili davanju u zakup imovine u vlasništvu Općine odlučuje Općinsko vijeće samostalno ili na prijedlog Općinskog načelnika."

Pod dugom iz člana 2. ove Odluke, podrazumijevaju se samo vlastiti prihodi koji u skladu sa članom 37. Zakona o principima lokalne samouprave u FBiH pripadaju jedinicama lokalne samouprave.

Razlozi za donošenje Odluke

Ovom Odlukom omogućit će se da Općina Vogošća naplati svoja potraživanja na brz i efikasan način, uz istovremeni otpis zateznih kamata dužnicima.

Na ovaj način će se dužnicima Općine Vogošća, fizičkim i pravnim licima, u vremenu prisutne inflacije olakšati egzistencija, odnosno doprinjeti uspješnijem poslovanju.